



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XXXI. Quædam Decreta Capituli Gener. Ord. Servorum B.M.V.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Declaratio
& ampliatio
earumdem.
Nulla ex-
cipiuntur
personæ

biliter, & inconvulsa servari volumus, & man-
damus.

§. 2. Et nihilominus omnes quascumque, & singulas personas, tam Sæculares, quam Ecclesiasticas, etiam Regulares cujuscumque Dignitatis, status, gradus, Ordinis, Congregationis, Societatis, & Instituti, etiam Societatis Jesu, & Sancti Joannis Hierosolymitani quibuscumque privilegiis, exemptionibus, & Indultis, etiam in corpore juris clausis munitas, & suffultas, speciali, ac etiam specialissima nota dignas, & eas, quæ nominatim, & individualiter exprimi debent, neque aliter, quam sub præscripto certæ formæ in generalibus, aut specialibus Constitutionibus includi, & comprehendi possunt, ac solent, nulla prorsus excepta, sub præserta Innocentii prædecessoris Constitutione prædicta comprehensas, & si quas ex eis pro tempore atrocissimi hujus criminis Reos esse constiterit, has omnibus, & singulis, tum antiquis, tum in dicta præserta Innocentii prædecessoris Constitutione innovatis, etiam quoad Ecclesiasticos degradationis realis, & traditionis brachio Sæculari penis omnino, & irremissibiliter obnoxias fuisse, & esse, cognitionemque prædicti sceleris contra eas ad Ordinarios Ecclesiasticos, & ad Inquisitores contra hæreticam pravitatem, qui juxta hujus nostræ, & aliarum quarumcumque ad favorem Fidei, & Officii Sanctæ Inquisitionis hujusmodi Constitutionum editarum formam, & tenorem procedere valeant, ac debeant private quoad alios quoscumque, spectavisse ac spectare, motu, scientia, deliberatione, potestatis plenitudine, & consilio pariter tenore præsentium declaramus, statuimus, atque decernimus.

Cognitio
hujus sceleris
privative
pertinet ad S.
Inquisitionem.

Comprehenduntur
etiam per se,
vel de mandato
retinentes,
vel alio
transferentes
Hostias.

§. 3. Insuper hac eadem Nostra perpetuo validura Constitutione iisdem motu, scientia, deliberatione, potestatis plenitudine, & consilio, memoratam præsertam dicti Innocentii Prædecessoris Constitutionem cum declarationibus, ac dispositionibus prædictis, omnibusque, & singulis superius expressis, & contentis, contra quoscumque, sive Sæculares, sive Ecclesiasticos, etiam Regulares, ut præfertur, expressos, qui dictas Hostias, vel particulas consecratas quocumque modo, etiam sive qualitate furti per se ipsos, vel alios quoscumque, aut de alterius mandato habuerint, seu retinuerint, vel alio transferre, seu transportare præsumperint, super quibus stari volumus judicio, & interpretationi præfatorum venerabilium Fratrum Nostrorum S. R. E. Cardinalium Inquisitorum, quibus pariter cognitionem super prædictis reservamus juxta casum, & personarum circumstantias, & qualitates cum iisdem penis, etiam traditionis brachio sæculari, eandem tenore præsentium ampliamus, & extendimus.

Clausula.

§. 4. Non obstantibus omnibus, & singulis illis, quæ memoratus Innocentius Prædecessor in suis Literis præsertis voluit non obstare, ceterisque contrariis quibuscumque.

§. 5. Volumus autem, quod præsentibus Literæ, postquam ad valvas Ecclesiæ Lateranenæ, ac Basilicæ Principis Apostolorum de Urbe, nec non Cancellariæ Apostolicæ, & in Acie Campi Floræ per aliquem ex nostris Curforibus, ut moris est, publicatæ, & affixæ fuerint, omnes, & singulos, quos concernunt, ac concernent in futurum, perinde afficiant, & ardeant, ac si unicuique illorum personaliter intimatæ, & notificatæ fuissent, quodque illarum transumptis sive exemplis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus tam in Judicio, quam extra illud ubique locorum fides adhibeatur, quæ ipsismet præsentibus adhiberetur, si ostensæ, & exhibitæ forent.

§. 6. Nulli ergo omnino hominum liceat paginam hanc Nostrarum Confirmationis, approbationis, innovationis, voluntatis, mandati, declarationis, statuti, Decreti, reservationis, amplia-

tionis, & extensionis infringere, vel ei ausu temerario contraire; si quis autem hoc attentare præsumperit, indignationem omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud Sanctam Mariam Majorem Anno Incarnationis Dominicæ millesimo sexcentesimo nonagesimo, XI. Kal. Januarii Pontificatus Nostri Anno Secundo.

Confirmantur quædam Decreta Capituli Generalis Ord. Servorum B. M. V.

ALEXANDER PAPA VIII.

Ad perpetuam rei memoriam.

Militantis Ecclesiæ regimini per abundantiam divinæ bonitatis, nullo licet meritorum nostrorum suffragio, præpositi, illa quæ pro felici, prosperoque Religiosorum Ordinum in Ecclesia Dei pie, sancteque institutorum, ac uberes bonorum operum fructus, aspirante superni favoris auxilio proferre jugiter satagentium gubernio, & progressu, provide, sapienterque constituta, & ordinata esse noscuntur, ut firma semper, atque inviolata persistant, libenter cum id a nobis petitur, Apostolici muniminis nostri præsidio constabilimus.

§. 1. Exponi siquidem nobis nuper fecit dilectus filius Prior Generalis Ordinis Fratrum Servorum Beatæ Mariæ Virginis, quod in Capitulo Generali dicti Ordinis, quod novissime, videlicet Mense Aprilis proxime præterito in hac alma urbe celebratum fuit, pro felici ipsius Ordinis, ejusque Fratrum regimine, & directione, edita, & facta fuerunt nonnulla Decreta tenoris qui sequitur, videlicet:

Decreta Capituli Generalis Fratrum Ordinis Servorum B. V. M. celebrati in Conventu Sancti Marcelli de Urbe die 30. Mensis Aprilis Anni 1690.

Primum, quod Festum Septem Dolorum B. M. V., quod ex Apostolicæ Sedis indulto quolibet anno tertia Dominica Septembris celebratur, habeatur tanquam festum principale nostri Ordinis, in cujus honorem Sabbato immediate antecedenti regulare Jejunium ab omnibus nostri Ordinis Fratribus, & Sororibus sit observandum, ita ut a nullo Superiore dispensari possit extra casum necessitatis.

2. Priores Conventuum observari curent cap. 19. nostrarum Constitutionum de vestibus, quod si corrigere negligant suos subditos pileos uniformiter religiosos non deferentes, aut bireta serica, chirothecas, vel pallia per Civitatem, vel quid aureum aut argenteum suis in vestibus, aut manibus portantes, utraque voce careant in proximo futuro Capitulo Provinciali: cui itidem penæ subjiciuntur Priores, si Sacerdotes sine Scapulari Sacra peragere, aut cum bireto sine amictu ad altare accedere, vel in sacris peragendis tunica brevi, scilicet itineraria uti permittant.

3. Quod omnes, & singuli, aut inter se, aut cum secularibus ludos a lege prohibitos habentes, excommunicationem incurrant, reservata facultate absolutionis, juxta formam Constitutionum.

4. Quod Juvenes professi nullimode à conventibus in quibus est Novitatus, aut Professatus usque ad annum vigesimum primum ætatis removeantur, qui pariter de idoneis Magistris ad literariam eruditionem spectantibus subsidio honorario a Capitulo Provinciali taxando, conductis, sint provisi. Quod si contigerit aliquem Juvenem professum ob legitimam causam a Provinciali removendum esse, talis Juvenis in alio Conventu, in

XXXI.

Dat. 13. Jan.
1691. An. 2.

Exordium.

Decreta
prædicta edita
fuerunt in
Capitulo gen-
ner. 1690.

De Festo
B. M. V.

De Vestibus.

De Ludis.

De Professis.

quo

quo vel Novitiatus, vel Professatus sit, de familia assignetur, consulto tamen prius Priore Generali.

5. Si redditus Conventuum non sint sufficientes, ut in illis Juvenes professi alantur, tunc in Capitulo Provinciali decernantur subsidia, quibus in prædictis Conventibus Professatus institui queat, & conservari.

De Prioribus.

6. Item decreverit, ut Dietæ auferantur, & quod Priores Provincialium more darent per triennium, hoc tamen pacto, quod quolibet triennio a Generali, consulto Provinciali, confirmationem petant, & obtineant. Quod si iustis de causis Generalis illos confirmare noluerit, tunc eligatur a Generali, Provinciali, & socio novus Prior, qui perseveret in officio usque ad Capitulum Provinciale, eadem quolibet anno confirmatione a P. Generali obtenta. Priores autem qui de facto sunt postquam per biennium suo fuerint officio perfuncti, illos Prior Generalis, aut confirmare, aut novum Priorem, si expedire videbitur, eligere valeat usque ad proximum futurum Capitulum Provinciale.

De Provincia Corsicæ.

7. Mature considerantes Diffinitores, quomodo in Provincia Corsicæ abusus aboleri, ac Religiosi mores introduci possent, post reiteratas, ac diligenter discussas varias propositiones decreverit, quod quinque Conventus, qui sunt in Corsica aggregentur quatuor aliis sub dominio Januensium, & Ducis Massæ existentibus, & ex illis nova erigatur Provincia, quæ Genuensis nominetur. Cæteri vero novemdecim Conventus, qui vel sub Ducatu Sabaudiz, vel aliorum Principum Dominio existentes ad Provinciam Genuensem modo spectant, aliam efforment Provinciam, quæ Pedemontana dicatur, dummodo tamen Conventus Taurinensis subsit oneribus, quibus suberat Conventus Genuæ quoad contributiones.

De Provincia Lombardiz.

8. Item perpendentes varia, & multa inconvenientia, quæ in Provincia Lombardiz, ob Conventus sub diversorum Principum Dominio locatos contingant, statuere, quod ex viginti quatuor Conventibus, qui præsentem Lombardiz Provinciam efficiunt, quatuordecim sub Ducatu Mediolanensi existentes, comprehenso Conventu S. Joannis Baptistæ de Mandrisio in Ditione Helveticorum, segregentur a cæteris, & recentem Provinciam efforment, quæ Mediolanensis vocetur; altera vero ex decem reliquis Conventibus conflata, antiquam denominationem retineat Provincie Lombardiz.

De Provincia Germaniz.

9. Cum decem, & novem Conventus Provincie Germaniz multum inter se sint distiti, decreverit, ut ex illis omnibus in proximo Capitulo Provinciali, duæ erigantur Provincie, quæ divisio facienda sit per Diffinitorem Generalem, Priorem Provinciale, Socium, Diffinitores Provincie, & Diffinitores perpetuos, habito tamen consensu P. Generalis. Hujusmodi autem, & supra relatæ Provincie, quando erunt divisæ, hunc Ordinem inter se servabunt, ut Provincia illa, in qua principalis Conventus ex Religionis annalibus apparebit antiquior, aliam præcedet, ab eisque decernatur præcedentia.

De promovendis ad Gradus.

10. Quod promovendi ad gradus possint promoveri sive in Capitulo Provinciali ad formam Constitutionum, sive in visitationibus juxta Indultum Sa. Me. Clem. IX. In Conventibus tamen, in quibus studium majus vigeat, scilicet in Provincia Tusciæ in Conventu Sanctissimæ Annunciatæ de Florentia: In Provincia Romana in Conventu Sanctæ Mariæ Novæ de Perusio: In Provincia Romanolæ in Conventu Servorum Bononiæ: In Provincia Mediolanensi in Conventu Servorum de Mediolano: In Provincia Lombardiz in Conventu B. Virginis de Regio: In Provincia Tervisina in Conventu Servorum Patavii: In Provincia Venetiarum in Conventu Servorum de Venetiis: In Provincia Mantuana, vel in Conventu S. Barnabæ de Mantua, vel S. Georgii de Bononia: In Provincia

Genuensi in Conventu Servorum Genuæ. In Provincia Pedemontana in Conventu Sancti Primi de Papia: In Provincia Neapolitana in Conventu S. Mariæ Mergellinarum: In Provinciis vero Hispánica, & Gallica ad libitum Patris Generalis, cui promotioni interesse possint, si velint, & qui sunt Diffinitores perpetui, & qui sunt, vel fuere Regentes.

11. Cum iustis de causis, nemo ex promovendis ad gradus in proxime elapsis Capitulis & Dietis fuerit promotus, Diffinitores decreverit, quod P. Generalis tempore visitationis habendæ in Conventu Sanctissimæ Annunciatæ de Florentia possit illos promovere, & habeantur ac si promoti fuissent in Capitulis, & Dietis proxime elapsis pro hac vice tantum.

12. Item quod observetur Decretum Capituli Generalis anni 1682. ne quis scilicet Exprovincialium publicæ correctioni Prioris subjiciatur, dummodo tamen publice, & non provocatus Priori non insultet, & quod Exprovinciales præcedant cæteros Magistros, qui non fuere Provincialis officio perfuncti. Exprovinciales verò inter se servent ordinem promotionis ad Magisterium, quibus privilegiis fruantur etiam; qui Theologiam vel alias scientias, in aliqua publica Universitate, vel ut Regentis in aliquo majori studio per duodecim annos Theologiam professi fuerint, sicut etiam qui Procuratoris Generalis officio fuere perfuncti: Decretum autem in Capitulo Generali anni 1652. emanatum habetur ad verbum in Registro generali lib. 12. fol. 2. n. 3. Provincialis &c.

13. Item decretum fuit, quod Procurator Ordinis præcedat omnes Provinciales extra eorum Provincias existentes, non vero in propria provincia.

14. Si in electionibus faciendis, contigerit duos ex propositis vota habuisse paria supra medietatem, tunc ad Præsidentem Capituli spectet decernere, quisnam illorum præferendus sit; si verò nullus remaneat electus in Provinciale, tunc per tres vices termino duorum dierum faciendas, iterum fiat electio, quod si adhuc nullus remaneat electus, tunc Provinciam regat Diffinitor Generalis, donec P. Generalis Sanctam Sedem consulat, & conformiter ad ejus oraculum provideat.

15. Item, quod omnino servetur cap. 6. Constitutionum descript. ad habitum. In casu vero transgressionis Provincialibus, & Prioribus fuit imposita pena privationis vocis activæ, & passivæ in futuro Capitulo Provinciali. Fratres verò alterius Religionis professi neque ab ipso Generali absque consensu Capituli Provincialis recipi possint.

16. Placuit præfatum cap. 6. extendere, quod scilicet quilibet recipiendus ad habitum, habeat consensum Patrum Conventus illius Civitatis, vel loci, in qua natus est, vel Conventus vicinioris, si nullus Conventus sit eo in loco, in quo est natus.

17. Cum Priores Conventuum iteratis vicibus magno Conventuum detrimento per notabile tempus a suis Conventibus abesse audeant, Decretum fuit, ne quis illorum in posterum per iteratas vices ultra mensem, vel aliud tempus notabile in anno sine licentia sui Provincialis abesse possit sub pena privationis ab officio juxta formam Constitutionum cap. 29.

18. Ad obviandum dissentionibus hucusque oriri solitis decretum est in Ecclesia S. Philippi de Tuderto nullam in posterum erigendam esse Societatem Sæcularium.

19. Item decretum fuit, quod P. Generalis curam Annales Ordinis continuandi alieni in Chronologicis perito demandet; ad cujus petitionem a nostri Ordinis Conventibus transmittantur notitiæ ad Religionem spectantes, quæ in ipsorum archivis reperiuntur.

20. Item considerantes Diffinitores quantum incommoda sit visitatio Conventus Sanctissimi Salvatoris de Monte Ferrato Provinciali Mantuæ, ut

De Exprovincialibus, aliisque.

De Procuratore Ord.

De Electionibus.

De recipiendis ad habitum.

De residentia Priorum.

De Societate Sæcularium.

De Annalibus Ord.

De Conventu S. Salvatoris.

ferè nunquam vifiterur, decrevere quod in pofterum præfatus Sancti Salvatoris Conventus ad Provinciam Pedemontanam, & illius loco ad Mantuanam Conventus Sancti Syri de Caftro Noveto fpectent; ficque utrifque Provincialibus, commoda erit refpective vifitatio.

Præces Prioris Generalis.

§. 2. Cum autem ficut eadem expositio fubjungebat, dictus Prior Generalis Decreta hujufmodi, quippe ad confervandum & folidandum in Ordine prædicto regularis obfervantiæ vigorem eximie conducibilia, pro firmiori illorum fubfiftentia, exactiorique obfervatione, Apoftolicæ Confirmationis noftræ patrociniò communiti fummpere defideret. Nos ipfius Prioris Generalis votis hac in re quantum cum Domino poffumus, favorabiliter annuere volentes, eumque a quibufvis excommunicationis, fufpenfionis, & Interdicti, aliifque Ecclefiafticis fententiis, cenfuris, & penis a Jure, vel ab homine quavis occasione, vel caufa latis, fi quibus quomodolibet innodatus exiftit ad effectum præfentium dumtaxat confequendum harum ferie abfolventes, & abfolutum fore cenfentes, fupplicationibus ejus nomine nobis fuper hoc humiliter porrectis inclinari, de Venerabilium Fratrum noftrorum S. R. E. Cardinalium negotiis, & confultationibus Epifcoporum, & Regularium præpofitorum confilio, omnia, & fingula Decreta præinferta, in eifque contenta quæcumque; auctoritate Apoftolica tenore præfentium confirmamus, & approbamus, illifque inviolabilis Apoftolicæ firmitatis robur adjicimus, ac omnes, & fingulos Juris, & facti defectus, fi qui defuper quomodolibet intervenerint, fupplemus.

Confirmatio relatorum Decretorum.

Claufula.

§. 3. Decernentes eadem præfentes literas, ad Decreta præinferta femper firma, valida, & effica cia exiftere, & fore, fuosque plenarios, & integros effectus fortiri, & obtinere, ac illis ad quos fpectat, & pro tempore quodcumque fpectabit in omnibus, & per omnia pleniffime fuffragari, & ab eis refpective inviolabiliter obfervari: ficque in præmiſſis per quofcumque Judices ordinarios, & Delegatos, etiam Cauſarum Palatii Apoftolici Auditores, judicari, & definiri debere; ac irritum, & inane fi fecus fuper his a quoquam quavis auctoritate ſcien ter, vel ignoranter contigerit attentari.

§. 4. Non obftantibus Conſtitutionibus, & ordinationibus Apoftolicis, ac quatenus opus fit dicti Ordinis, aliifve quibufvis, etiam Juramento, Confirmatione Apoftolica, vel quavis firmitate alia roboratis ſtatutis, & confuetudinibus; privilegiis quoque Indultis, & literis Apoftolicis in contrarium præmiſſorum quomodolibet conceſſis, confirmatis, & innovatis. Quibus omnibus, & ſingulis, illorum tenores præfentibus pro plene, & ſufficienter expreſſis, ac de verbo ad verbum inferſis habentes, illis alias in ſuo robore permanſuris ad præmiſſorum effectum hac vice dumtaxat ſpecialiter, & expreſſe derogamus, cæteriſque contrariis quibufcumque.

§. 5. Volumus autem, ut earumdem præſentium literarum tranſumptis, ſeu exemplis, etiam impreſſis manu alicujus Notarii publici ſubſcriptis, & ſigillo Perſonæ in Ecclefiaſtica Dignitate conſtitutæ munitis, eadem prorfus fides ubique locorum tam in Judicio, quam extra illud habeatur, quæ ipſis præſentibus haberetur ſi forent exhibitæ, vel offenſæ.

Datum Romæ apud Sanctam Mariam Majorem ſub Annulo Piſcatoris die XII I. Januarii MDCXCI. Pontificatus noſtri Anno Secundo.

XXXII.

Conceditur Clericis Scholarum Piarum facultas emittendi Profeſſionem ante biennium Novitiatus.

Conſt. ed. 1690. Febr. 22. P. 1. eis conceſſa fuere calcei, & tibialia. Et a Clem. XI. Conſt. ed. 1708.

Jun. 19. P. 8. Confirmatur eorum introductio in Civit. Albanen.

Dilecto filio noſtro Gaſpari S. R. E. Presbytero Cardinali Carpineo nuncupato noſtro in Alma Urbe Vicario in Spiritualibus Generali.

ALEXANDER PAPA VIII.

Dilecte fili noſter Salutem, & Apoftolicam Benedictionem.

Exponi Nobis nuper fecit dilectus filius Procurator Generalis Congregationis Clericorum Regularium Pauperum Matris Dei Scholarum Piarum, quod juxta diſpoſitionem Conſtitutionum dictæ Congregationis auctoritate Apoftolica confirmatarum Novitii Congregationis hujufmodi biennium Novitiatus ante profeſſionem regularis emiſſionem peragere debeant.

A Conſtitutionibus biennium Novitiatus assignatur.

§. 1. Cum autem ficut eadem expositio ſubjungebat, dicta Congregatio Religioſis, qui literatum ſtudiis apprime inſtructi vacationis ſuæ officiis erga proximos ſatiſfaciant, plurimum indigeat, ſtudia vero præfata in Domibus Regularibus ipſius Congregationis Novitiatus hujufmodi agendo deſtinatis, in ſecundo ipſius Novitiatus anno, prout dictæ Conſtitutiones permittunt, atenta earumdem Domorum paupertate, quippe quæ ex elemoſynis ſuſtentantur, nequaquam peragi valeant, ac proinde idem Procurator Generalis opportunam Novitiis ſupradictis facultatem ad profeſſionem præfata juxta formam a Concilio Tridentino Cap. XV. Seſſ. 25. de Regularibus præſcriptam poſt unicum probationis annum, pro Superioris Generalis dictæ Congregationis pro tempore exiſtentis arbitrio, emittendam, quemadmodum alias a nonnullis Romanis Pontificibus prædeceſſoribus noſtris ad certum tunc expreſſum tempus conceſſa fuit, ſimiliter a nobis concedi ſummopere defideret. Nos ipſius Procuratoris Generalis votis hac in re quantum cum Domino poffumus, favorabiliter annuere volentes, eumque a quibufvis excommunicationis, ſuſpenſionis, & interdicti, aliifque Ecclefiaſticis ſententiis, cenſuris, & penis a Jure, vel ab homine quavis occasione, vel caufa latis, fi quibus quomodolibet innodatus exiſtit ad effectum præſentium dumtaxat confequendum harum ferie abſolventes, & abſolutum fore cenſentes ſupplicationibus ejus nomine nobis ſuper hoc humiliter porrectis inclinari de Venerabilium fratrum noſtrorum S. R. E. Cardinalium Concilii præfati Interpretum confilio, circumſpectioni tuæ per præſentes committimus, & mandamus, ut veris exiſtentibus narratis petitam facultatem emittendi profeſſionem regularem ſupradictam, peracto uno dumtaxat Novitiatus hujufmodi anno Clericis Novitiis memoratæ Congregationis auctoritate noſtra Apoftolica pro ſuo arbitrio, & prudentia gratis impertiatis, ſalva tamen in præmiſſis auctoritate Congregationis memoratorum Cardinalium.

Cauſæ prædictæ Conſeſſionis.

Præces Procuratoris Generalis.

Conceſſio præfate facultatis.

Claufula.

§. 2. Non obſtantibus præmiſſis, ac Conſtitutionibus, & Ordinationibus Apoftolicis, necnon dictæ Congregationis Scholarum Piarum, etiam juramento, confirmatione Apoftolica, vel quavis firmitate alia roboratis ſtatutis, & confuetudinibus; privilegiis quoque, Indultis, & literis Apoftolicis in contrarium præmiſſorum quomodolibet conceſſis, confirmatis, & innovatis. Quibus omnibus, & ſingulis, illorum tenores, præſentibus pro plene, & ſufficienter expreſſis, ac de verbo ad verbum inferſis habentes, illis alias in ſuo robore permanſuris ad præmiſſorum effectum hac vice dumtaxat ſpecialiter, & expreſſe derogamus, cæteriſque contrariis quibufcumque.

Datum Romæ apud S. Mariam Majorem ſub Annulo Piſcatoris die XXIII. Jan. MDCXCI. Pontif. noſtri Anno Secundo.